

He Ngohe Aromatawai ā-Roto Mō ngā mahi whakamahere anake

Te Ingoa o te Ngohe: Te Tunu Parāoa Rēwena

Aronga: Pāngarau 1.1C

Paerewa Paetae: 1.1 Te whakamahi whakaaro tau whaitake hei whakaoti rapanga

Kaupae: 1

Whiwhinga: 6

He Tohutohu mā te Ākongā

I tēnei ngohe

I tēnei ngohe, ko tāu mahi he tātaitai i ngā hanga pāngarau o te mahi parāoa rēwena hei whāngai i te manuhiri, me te whakamārama i ngā tikanga manaaki manuhiri. Kua tonoa koe kia haere ki te hoko puehu parāoa hei mahi parāoa māna. E rua ngā toa hei hoko puehu parāoa, ā, māu e whiriwhiri nō tēhea toa te utu iti rawa.

Te horopaki

Kei te mahi parāoa rēwena tō kaiako hei whāngai i te manuhiri e noho ana ki tō koutou kura. Kua tonoa koe kia haere ki te hoko puehu parāoa hei mahi parāoa māna. E rua ngā toa hei hoko puehu parāoa, ā, māu e whiriwhiri nō tēhea toa te utu iti rawa.

E ai ki te tohutaka a tō kaiako, kia 6 ngā kapu puehu parāoa mō ia rēwena.

- Kia 3 pea ngā rēwena hei whāngai i ngā tāngata 20.
- 130 katoa ngā tāngata hei whāngai.

Kei te takiwā o te 125g te taumaha o te kapu puehu parāoa kotahi (ki te 5g e pātata ana).

E 5kg te taumaha o te pēke puehu parāoa e hokona ana e te Toa A, ā, e \$7.50 te utu.

E 3kg te taumaha o te pēke puehu parāoa e hokona ana e te Toa E, ā, e \$4.80 te utu me te whakahekenga mā te 15%.

Hei mahi

Hei mahi 1

- Whiriwhirihia te rahi o te puehu parāoa hei hoko māu.
- Whiriwhirihia te toa nōna te utu iti rawa.
- Whiriwhirihia te ōrau o te utu i te 'Toa A' o te utu i te 'Toa E'.

4. Whakaaturia ngā whiriwhiringa katoa, me ngā whakamārama i te taha ki te reo Māori.

Hei mahi 2

Ka noho tahi koe ki tētahi mātanga tunu rēwena o tō whānau/marae/hapū/iwi.

1. Whakamāramatia ngā ritenga/rerekētanga o tāna tunu rēwena ki/i tā tō kaiako.

Ngā mahi hei tāpae

Mā kōrua ko tō kaiako e whakatau mehemea he pūrongo, he whakaaturanga, he aha rānei te momo tāpaetanga – te roa, te taumaha, te aha atu. Ahakoa te momo, me whakamahi i ngā tikanga tau whitake, ā, me whakaatu i ngā whiriwhiringa katoa, me ngā whakamārama i te taha ki te reo Māori.

Kuputaka

kōtero (rīwai)	ferment (potato)
moī	ferment
paparea	culture (cells)
pūtau	cells (rēwena)